

2. stjórnarfundur U.M.S.B haldinn 25. apríl 2017 að Furugrund í Reykholtssdal. kl. 20.00

Mættir: Guðrún Þórðardóttir, Pálmi Blængsson, Sigríður Dóra, Anna Dís Þórarinsdóttir, Kristín Gunnarsdóttir ritar fundargerð.

1.- 2. Guðrún varasambandsstj. setur fund og ber undir atkv. síðustu fundargerð sem er samþykkt.

3. Sigga Dóra fer yfir tómstundamálin;

Skráningar í sumarfjör á Hvanneyri og í Borgarnesi eru til 3. maí.

Verið er að manna starfið í sumarfjörinu og lítur vel út.

Á Hvanneyri verður þetta í júní og Ágúst en annars í júní, 2. vikur í júlí og svo ágúst. Bíll sækir krakkana sem vilja vera með frá Varmalandi og úr Reykholtssdal og þau svo keyrð í Borgarnes.

Þemavikur eru hluti af sumarfjör. 30 -35 stk voru í Bgn. sl. sumar og 12- 15 stk á Hvanneyri.

Unglingavinnan fer svo af stað í byrjun júní fyrir börn í 8.-10.bekk og 7. bekk verður boðið að vera

með í 2 vikur. Ungmennaráð er að undirbúa ungmennahing í Hjálmakletti 16. maí fyrir 16 - 25 ára, þar verður forvarnarfræðsla rauði þráðurinn og þau ætla að enda á bingói og hafa fengið styrktaraðila með sér. Verið er að ýta Borgarbyggð áfram með að lagfæra bygginguna sem Óðal er til húsa, það tosast og verður byrjað á kjallaranum núna og er stefnan að klára svo húsið á næsta ári.

4. Umsókn um landsmót 50 + og Borgarbyggð hefur samþykkt að vera með í umsókn v. 2019 Vinna þarf í að finna keppnisgreinar fyrir það mót.

5. Breytingar á starfssvæði U.M.S.B.. Samningar við Hvalfjarðarsveit ganga ekkert og því á að athuga hvort þeir vilja ekki snúa sér alfarið til Akurnesinga með samstarf, sem er talsvert fyrir. Pálmi hefur samband við formann Ungmenna og íþróttafélags Hvalfjarðarsveitar og ræðir hugmyndina um breytt starfssvæði UMSB.

6. Ferð á Landsmót DGI í Danmörku, 28. júní - 3. júlí Pálmi, Sigga Dóra, Sólrún óska eftir fararstyrk til að læra hvernig á að halda landsmót. Samþykkt að UMSB greiði helming af kostnaði þáttakenda sem er 77.500,-kr. UMSB greiðir þá 38.750,-kr. á mann.

7. Önnur mál.

*Pálmi hefur verið duglegur að sækja um styrki í fræðslusjóð UMFÍ og fengið 150 þús til að skanna inn myndir úr sögu sambandsins, 100.þús fyrir útiæfingastöðvar og 75 þús í þjálfaranámskeið.

*Hreyfivika verður í máilok og þar sem við erum heilsueflandi samfélag er um að gera að virkja alla, morgunverðarfundur verður í byrjun maí til að fá hugmyndir.

*Sigga Dóra er áhugasöm um að safna fyrir ólátabelg sem er um 100 fermetra hopputrambolin. Þetta er draumurinn að koma fyrir í Borgarnesi á íþróttasvæðinu.

*Vegna útiæfingatækja benti Anna Dís á að rafmagnsstaurar lægju eins og hráviði um

Reykholtssdalinn. Þeir eru taldir upplagðir í verkefnið og þá er um að gera að setja slík æfingatæki sem víðast þ.e. ekki bara í Borgarnes, t.d. við sundlaugarnar og íþróttavellina sem ungmennafélögin eiga.

Félögin gætu þá e.t.v. komið að þessu verkefni með UMSB.

Hún tók að sér að athuga við Rarik um þessa staura verð og magn.

*Leikskólarnir í Borgarnesi fá að nýta skrifstofuna og útisvæðið okkar 3.-5.maí vegna vorskóla.

*23. maí á næsti fundur að vera í Borgarnesi vegna formannafundar.

Fleira ekki rætt af viti og fundi slitið.